

四庫全書考證

三八



四庫全書考證

三八



四庫全書考證

(三十八)

王太岳等纂輯

四庫全書考證卷九十四

集部

漢魏六朝貞三家集上



漢魏六朝百三家集上明張溥編

卷一 漢賈長沙集

旱雲賦惟昊天之大旱兮。刊本。吳譌旱。又陽風吸習而熇熇。刊本脫而字。並據賦彙改增。  
鵬賦大鈞播物。块圯無垠。刊本。圯譌北。據漢書賈誼傳改。

論時政疏。彼自丞尉以上。徧置私人。刊本。徧譌偏。又其執盡又復然。刊本。執譌執。又一動而五業附。  
刊本。五譌王。又廉遠地則堂高。刊本。廉譌簾。又欲投鼠而忌器。此善諭也。刊本。諭譌論。並據漢書改。

請封建子弟疏。豪植而太強。漢法不得行矣。刊本。植作橫。案漢書師古註。植立也。今據改。  
過秦論中。夫寒者利裋褐。而飢者甘糟糠。刊本。裋譌短。據史記及賈誼新書改。

卷二 漢司馬文園集

子虛賦。檣梨棊栗。刊本。栗譌粟。據漢書改。又被阿錫。揄紆綺。刊本。錫譌緡。據史記漢書及賦彙改。又  
弋白鵠。連鴛鵒。刊本。鴛譌鴛。據漢書改。又弋以湯谷爲界。刊本。湯作陽。據汪士賢校本及史記漢書改。

上林賦。蜚蠊飛蠋。刊本。蠋譌蠋。據漢書改。又鼓嚴簿。縱獠者。刊本。簿譌鑄。案漢書孟康注。簿。鹵簿也。史

記及賦彙並作簿。今據改。又淮南干遮。刊本干譌于。據漢書及賦彙改。

大人賦。呼吸沆瀣兮。殫朝霞。刊本兮字訛在霞下。蓋仍史記之刊譌。據汪士賢校本及賦彙改。

諫獵書。而智者避危於無形。刊本無譌未。據史記漢書改。

難蜀父老文。其義羈縻勿絕而已。刊本縻譌靡。據漢書改。又豈特委瑣握齷。拘文牽俗。刊本握譌喔。據

史記漢書改。

卷三 漢董膠西集

士不遇賦。目信嫻而視眇兮。刊本視譌言。據賦彙改。

賢良策一。刊本策譌第。今改。又枉與執事。刊本與訛於。又興滯補弊。刊本滯譌治。又四海之內。聞

盛德而皆徠臣。刊本徠譌使。又凡以教化不立而萬民不正也。刊本正譌至。又不得挾書。刊本挾

譌狹。又未嘗有以亂濟亂。大敗天下之民如秦者也。刊本脫有字。又失之於常更化而不更化也。

刊本失訛先。又德施於方外。延及羣生也。刊本方譌於。並據汪士賢校本及漢書增改。

賢良策二。是以閔天。刊本閔譌宏。又武王行大誼。平殘賊。刊本武譌成。並據汪士賢校本及漢書改。

雨雹對。電不眩目。宣示光耀而已。霧不塞望。浸淫被泊而已。刊本電譌雹。塞譌寒。並據汪士賢校本及漢

書改。

春秋陰陽。哀公四年。亳社災。不用聖人而縱驕臣。不明甚也。刊本驕譌一。據漢書五行志改。又宣公十

七年。日有食之。後邾支解鄆子。刊本。鄆譌鄆。據春秋及漢書五行志改。

卷四 漢東方大中集

七諫。初放商風肅而害生兮。注。一作肅肅。刊本衍一肅字。據王逸注刪。

怨思。好桂樹之冬榮。注。南方有不死之草。北方有不釋之冰也。刊本。北譌非。冰譌水。據王逸注改。

哀命。願承間而效忠兮。恐犯忌而干諱。刊本。忠譌志。干譌干。據呂兆禧校本改。又和抱璞而泣血兮。注。

和。卞和也。刊本。卞譌下。據王逸注改。

非有先生論。今先生率然高舉。刊本。生譌王。又竊不爲先生取之也。刊本。闕之字。又遂居深山之間。

刊本。深訛家。並據漢書補改。又上以安主體。下以使萬民。刊本。體譌禮。據漢書及文選改。

旱頌。維昊天之大旱。刊本。昊譌旱。案此頌卽用賈誼旱雲賦而裁截之者。今據呂兆禧校本及藝文類聚

改。

卷五 漢褚先生集

陳涉世家。兵革形法。所以爲治也。刊本。形譌刑。據史記改。

魏丞相列傳。發吏卒圍捕丞相舍。刊本。舍譌全。據史記改。

滑稽列傳。齊王使淳于髡獻鵠于楚。出邑門。道飛其鵠。徒揭空籠。刊本。籠譌寵。據史記改。

日者列傳。初試官時。倍力爲巧詐。刊本。倍譌備。據史記改。



龜策列傳。明月之珠出於江海。藏於蚌中。蛭蠃伏之。注。蛭蠃。龍屬也。刊本。蠃。譌龍。據史記索隱改。

三代世表。湯之先爲契。無父而生。刊本。契。譌王。據史記改。又漢興百有餘年。有人不知不長。出自燕之

鄉。刊本。白。譌自。案史記正義。白燕一作白鼈。今據改。下文霍將軍者。本居平陽。白燕同。

建元以來。侯年表序。悲夫。後世其誠之。刊本。誠。譌人。又嵇金翁叔覺。捕侍中謀反者。馬何羅等功侯二

十戶。刊本。何羅二字互倒。又樂成霍山上書曰。臣兄去病。賜謚景桓侯。刊本。桓。譌柏。又博城張章

刊本。城。譌成。後郡城金安上同。又高昌董忠有材力能騎射。刊本。騎。譌其。並據史記改。

卷六 漢王諫議集

洞簫賦。楊素波而揮連珠兮。刊本。揮。譌揮。案文選注。揮。瀚也。今據改。又密漠泊以獬獫。刊本。獬獫。譌獬

獫。又挹挐撒擻。刊本。擻。譌擻。又嗽咈節而將吟兮。刊本。咈。譌咈。又或拔擢以奮棄。刊本。拔。譌扳

又狠戾者聞之而不懟。刊本。狠。譌狠。又惕復惠兮。刊本。惠。譌慧。又憊悵瀾漫。刊本。憊。譌悵。並據

文選改。

四子講德論。句踐有種蠡。漢庸。刊本。漢。譌泄。據漢書及文選改。

卷七 漢劉中壘集

諫營起呂陵疏。葬具甚微。刊本。具。譌且。又咸盡發掘暴露。刊本。掘。譌握。並據漢書改。

使人上變事書。又董仲舒坐私爲災異書。刊本。又。譌及。據漢書改。

條災異封事。臣前幸得以骨肉備九卿。刊本幸譌牢。又朝臣和於內。刊本和譌成。又故出令則如反汗。刊本令譌本。又小人成羣。誠足慍也。刊本慍譌恤。又故舜有四放之罰。刊本放譌於。並據漢書改。

九歎。靈懷身衡陷而下沈兮。刊本沈譌流。又怨思下石瀨而登洲。刊本洲譌州。又憂苦。雜斑駁與闢茸。刊本茸譌葺。並據楚詞王逸章句改。

洪範五行傳。新官災。故天災宣宮。明不用父命之象也。刊本脫宣字。又昭帝時昌邑王賀遣中大夫之長安多治仄。注冠以冠奴者。當自至尊墜至賤也。刊本冠奴譌官奴。又鼯鼠食郊牛角。昔周公制禮樂成周道。刊本周譌公。又魯將從此衰。刊本此譌北。又庶徵之恒暘。刊本暘譌陽。又庶徵之恒燠。無冰。然後書。刊本脫後字。又隕霜不殺草。三家逐昭公。刊本家譌見。又秋雨螽於宋。刊本雨譌兩。又八月螽後比再如齊。刊本比譌北。又穀洛水鬪。以四瀆比諸侯。穀洛其次。刊本洛其譌洽其。又五月日有食之。僖公十五年。刊本脫十字。又十二月辛亥朔。日有食之。刊本有譌方。又冬有星孛于大辰。刊本星孛二字互倒。並據春秋及漢書增改。

卷八 漢揚侍郎集

太玄賦。豈惕寵以冒災兮。刊本惕譌揭。據汪士賢校本及賦彙古文苑改。

甘泉賦。厥高慶而不可乎疆度。刊本疆譌彌。文選亦同。案漢書師古注。疆境也。今據改。又浴方皇於西

清刊本。清譌青。據漢書改。

羽獵賦。狹三王之阨僻。案狹。漢書作陜。汪士賢校本及文選俱作狹。今據改。又天與地杳。刊本。杳作沓。

蓋沿文選之譌。漢書師古注。以爲或作沓者。乖理而失韻。今據改。又曳彗星之飛旗。刊本。彗譌簪。據

漢書文選及爾雅改。又天弧發射。刊本。弧譌狐。又蹶浮塵。刊本。塵譌靡。又獵蒙龍。刊本。龍譌籠。

又隨珠和氏。焯爍其陂。刊本。陂譌波。又噍噍昆鳴。刊本。鳴譌明。並據漢書及文選改。

長楊賦。其後熏鬻作虐。刊本。虐譌虛。據漢書改。又酌允鑠肴樂胥。刊本。肴譌有。據漢書及文選改。

河東賦。爪華蹈衰。刊本。爪譌爪。案漢書師古注。爪古掌字。今據改。又易鹵岐之夷平。刊本。易鹵譌是幽。

又雲霧霧而來迎兮。刊本。雲下衍龍字。並據漢書改。

解嘲。解甲投戈。刊本。甲譌里。據漢書改。

解難。獨不見夫翠蚪絳螭之將登乎天。必聳身於蒼梧之淵。刊本。梧譌鷹。又是故鍾期死。伯牙絕絃破

琴。刊本。絃譌絃。並據汪士賢校本及漢書改。

少府箴。至於耽樂流湏。而妯娌作祟。刊本。祟譌崇。據古文苑改。

司空箴。案此首初學記。以爲崔駰作。章樵古文苑注。亦云一作崔駰。

卷九 漢劉子駿集

遂初賦。玩書琴。以條暢兮。考性命之變態。刊本。考譌孝。又亂曰。刊本。亂譌辭。並據賦彙改。

甘泉宮賦。梗松柞械。刊本。梗譌梗。據賦彙改。

移太常博士書。故下明詔。試左氏可立不。刊本。詔譌昭。據漢書改。

三統歷說。日官居卿以底日禮也。刊本。卿譌鄉。據左傳及漢書改。又則六枋之數。爲一月之間法。刊本。

法譌月。又故九六之變。登降于六體。刊本。九譌尤。並據漢書改。

### 卷十 漢馮曲陽集

顯志賦。風波飄其並興兮。刊本。波譌淚。又意斟慙而不澹兮。刊本。慙譌堪。並據後漢書及賦彙改。

自陳疏。李廣奮節於匈奴。見排於衛青。刊本。青譌責。據後漢書改。

### 卷十一 漢班蘭臺集

西都賦。商洛緣其隈。刊本。洛譌陸。又疆場綺紛。刊本。場譌塲。並據後漢書及文選改。

東都賦。樂不極盤。刊本。極譌及。又恹然意下。刊本。恹譌揅。並據文選改。

幽通賦。精誠發於宵寐。刊本。寐譌寤。又何艱多而知寡。上聖迂而後拔兮。刊本。艱譌歎。迂譌寤。並據文

選改。又恐罔兩之責影兮。刊本。罔兩作魍魎。案莊子齊物論注及釋文。罔兩與魍魎別。今據改。又

信畏犧而忌鵬。刊本。鵬譌鵬。據文選改。

典引。厥有氏號。注黃帝曰軒轅。刊本。黃譌寅。據後漢書改。又卓絕者莫崇乎陶唐。刊本。絕譌綽。據文選

改。

答賓戲。乖迂而不可通者。非君子之法也。刊本。乖譌乘。又故能建必然之策。展無窮之勳也。刊本。勳改動。並據文選改。

封燕然山銘。勳凶虐。兮截海外。刊本。虐譌雪。據文選改。奔旨。逡巡需行。保角依旁。刊本。需譌儒。據東漢文改。

卷十二 漢崔亭伯集

達旨。或冒詢以干進。刊本。詢譌詢。據後漢書改。

七依弓彈交錯。把弧控弦。刊本。脫弦字。又死獸籍籍。聚如山陵。刊本。脫籍字。陵字。並據東漢文增。

卷十三 漢張河間集

西京賦。處甘泉之爽塏。刊本。之譌而。又蠶慕桔槔。刊本。桔譌枯。並據文選改。又天梁之宮。實開高闢。

注。宮中之門。謂之闢。刊本。門譌曰。又虞人掌焉。注。虞人掌禽獸之官。刊本。禽譌拿。並據文選注改。

又結置百里。刊本。置譌置。據文選改。注同。又偃僮程材。刊本。程譌逞。又此何與於殷人履遷。前八

而後五。刊本。八譌公。並據文選改。

東京賦。不能節之以禮。注。言人不能以禮節度其事情。刊本。度譌其。又若薤氏之芟草。注。芟除草菅。刊

本。菅譌管。並據文選注改。又東門于旋。刊本。旋譌施。據文選改。又溫液湯泉。注。言溫液卽湯泉之

流刊本湯下衍湯字據文選注刪又秋蘭被涯刊本被譌被據文選改又雲旗拂霓注其高至雲故曰雲旗也刊本其譌爲又萬舞奕奕注萬舞干也刊本舞干譌無干並據文選注改又民忘其勞樂輸其財注武帝時卜式入錢以助官也刊本卜譌十據漢書及文選注改又失其所以爲夸注所以忘美失夸也刊本失譌尖據文選注改

卷十四

南都賦耕父揚光於清冷之淵刊本冷譌冷據文選及山海經改又嵎嵎寮刺刊本嵎譌嵎據文選及賦彙改又結根竦本刊本竦譌疎據文選改

週天大象賦天槍天楮以相指刊本槍楮譌從才又天廚敞兮供百宰刊本敞譌廠又觀角亢于黃

道刊本亢譌尤又頡頏司於五聽刊本頡頏譌頓頡又粵若大火刊本大譌太又鉤鈐儼于鳳

闕刊本鈐譌鈴又狗國分疆於北幽刊本疆譌權又維堰逼於天桴刊本桴譌杼又離瑜佩瓊

而銜服刊本脫服字又曰年豐而示仰刊本白譌曰又羽林分營而析暉刊本析譌折又鈇鑽

營芻而薦畜刊本鈇譌鐵營譌縈又北貫箕而聯斗刊本貫譌賁又爲鎮星而耀質刊本鎮譌旗

又彼金方之耀色有太白之垂文刊本彼譌被又乃形移而影趨刊本乃譌方又若山石之旌

處士刊本山譌出又雖胥蠶之難窮信靈英之未歇刊本胥蠶訛盼響又聚五緯而相從刊本聚

譌家又彗長竟天而秦滅刊本長竟二字互倒又彰宋焚而衛蕪刊本蕪譌熱又莫不分設其

官式司其告。刊本式譌或。又甘德暨石申垂誥。刊本申譌甲。誥譌諾。並據賦彙改。

思玄賦。翩儻處彼湘瀨。刊本儻譌儻。又跨汪氏之龍魚。刊本龍魚二字互倒。又擢龍舟以濟予。刊本予譌子。又尉龙眉而郎潛兮。刊本郎譌卽。又董弱冠而司袞兮。刊本袞譌竟。又僕夫儼其正策兮。刊本儼譌一。並據後漢書及文選改。

觀舞賦。擊靈鼓兮吹參差。刊本靈譌鼓。又被纖垂縈。同服駢奏。刊本縈譌榮。服譌肢。並據賦彙改。

鬻饅賦。下居淤壤。上有玄霜。刊本淤譌於。又來齒玄邱。刊本邱譌十。並據賦彙改。

駁圖讖疏。而復采前世成事以爲證驗。刊本脫成事二字。據東漢文增。

論貢舉疏。又有賢良文學之選。刊本文譌大。又下則連偶俗語。有類俳優。刊本偶譌偈。又不可復使理人及任州郡。刊本脫使字。並據東漢文改增。

論舉孝廉疏。自初舉孝廉到今二百年。刊本今譌京。據後漢書改。

七辯。雕華子曰云云。案此段應在安存子曰一段前。刊本譌在空桐子曰一段後。據東漢文移正。又珍

羞雜選。灼爍芳香。此滋味之麗也。子盍歸而食之。刊本脫味之以下十字。據藝文類聚及東漢文增。

又揚流哇而咏激楚。刊本咏譌脉。又覽八極。度天根。刊本根譌垠。又敬受教命。敢不是務。刊本脫

是字。並據東漢文改增。

應問吾。感蠹蠅附鵠悲。爾先笑而後號也。刊本蠹譌去。又蒲且以飛矰逞巧。刊本蒲譌菰。並據後漢書

改。

歷議注。元和改從四分。四分雖密于太初。皆不可用。刊本分譌方。並據續漢志改。  
靈憲是爲正儀立度。而皇極有道建也。刊本道譌道。又將覆其數。用重鉤股。刊本股譌服。並據續漢天文志改。

卷十五 漢李蘭臺集

函谷關賦。襟要約之險固。分制關鍵以擒并。刊本鍵譌捷。據賦彙改。  
平樂觀賦。紛電影以盤紆。刊本紆譌盱。據賦彙改。

東觀賦。歷東厓之敞座。庇蔽芾之甘棠。刊本芾譌茅。據賦彙改。

德陽殿賦。果竹鬱茂以藁藁。鴻鴈沛裔而來集。刊本沛譌裔。據賦彙改。

穀城門銘。太陰主刑。殺伐爲首。刊本刑譌形。據續漢志注改。

杯銘。小之爲杯。大之爲閭。刊本閭譌聞。蓋沿藝文類聚之譌。據方言及集韻改。以飲以享。慎斯得正。刊

本。正譌止。據藝文類聚改。

卷十六 漢馬季長集

長笛賦。吮眙其前後者。無晝夜而息焉。刊本吮譌囁。又程表朱裏。定名曰笛。刊本裏譌表。又嗽咋嘈。  
啐。刊本啐譌卒。又狀似流水。又象飛鴻。刊本又象飛譌有飛鳥。又澡雪垢滓矣。刊本矣譌牽。又



昔庖羲作琴。刊本昔譌皆。又丸槌雕琢。刊本丸槌譌九槌。又羌人伐竹未及已。刊本伐譌代。並據文選改。又注督郵主諸縣罰負殿。刊本負譌貧。又彭咸諫紂不從而奔。刊本諫譌練。又嶽圖聲下貌。刊本下譌不。並據文選注改。又紛五臣作理。刊本衍一五字。今刪。擢菹賦。刊本擢菹譌擢菹。今改。又矢則藍田之石。卞和所攻。刊本攻譌工。又馬則玄犀象牙。刊本象譌烏。並據賦集改。

上安帝請龐參等書。又度遼將軍梁懂。刊本懂譌懂。據東漢文改。

上順帝乞自劾疏。注融陽嘉中大將軍梁商表爲從事中郎。轉武都太守。刊本中譌平。轉譌傳。又言攻于西而羌出于東。刊本攻譌功。並據後漢書改。

廣成頌詩詠圖草。樂奏騶虞。刊本圃譌囿。又睽孤剗刺。裸裎袒裼。刊本剗譌封。並據後漢書改。又詔

靈保召方相。刊本保譌寶。據後漢書及楚詞改。又庖廚旣充。刊本充譌盈。失韻。又山鼎常滿。刊本

鼎譌二。並據後漢書改。

忠經武備章王者立武以威四方。安萬人也。刊本立譌生。又揚聖章文王之道。周公頌之。刊本周譌知。並據馬融忠經改。又證應章第十六。刊本第譌則。今改。又惡莫大于不忠。刊本不譌石。據忠經改。

卷十七 漢荀侍中集

漢紀序白虎仁獸。刊本仁譌神。據前漢紀改。